

He Tono Marohitanga me Te Aratohu Tuku Piro mō te Rangapū Rangahau 2026

Te Tahua Raukaha o He Ara Whakahihiko



**MINISTRY OF BUSINESS,
INNOVATION & EMPLOYMENT**
HĪKINA WHAKATUTUKI

Ministry of Business, Innovation and Employment (MBIE) Hīkina Whakatutuki – Lifting to make successful

MBIE develops and delivers policy, services, advice and regulation to support economic growth and the prosperity and wellbeing of New Zealanders.

MORE INFORMATION

Information, examples and answers to your questions about the topics covered here can be found on our website: www.mbie.govt.nz.

DISCLAIMER

This document is a guide only. It should not be used as a substitute for legislation or legal advice. The Ministry of Business, Innovation and Employment is not responsible for the results of any actions taken on the basis of information in this document, or for any errors or omissions.

June 2025

ISBN: 978-1-991143-03-7

©Crown Copyright

The material contained in this report is subject to Crown copyright protection unless otherwise indicated. The Crown copyright protected material may be reproduced free of charge in any format or media without requiring specific permission. This is subject to the material being reproduced accurately and not being used in a derogatory manner or in a misleading context. Where the material is being published or issued to others, the source and copyright status should be acknowledged. The permission to reproduce Crown copyright protected material does not extend to any material in this report that is identified as being the copyright of a third party. Authorisation to reproduce such material should be obtained from the copyright holders.

Ngā Kaupapa

He Tono Marohitanga mō te huringa haumi o Te Rangapū Rangahau 2026 - Te Tahua Raukaha o He Ara Whakahihiko	4
Mō tēnei arawātea	4
Te pūtea e wātea ana	4
Ko wai e āhei ana ki te tono	5
Te tukunga tuku tono, te aromatawai me te whakataunga.....	6
Ngā whakahoki kōrero ki te kaitono.....	6
Tukanga pōti	7
Ngā rā matua	7
Kauhaurangi mōhiohio	8
Ngā tuhinga me ngā ihirangi matua	8
Tukanga tono	8
Tautoko Āpiti	8
Ngā paearu aromatawai	9
Ngā pānga taharua	10
Ngā mema o te Pae Aromatawai.....	10
Ngā whakatau tuku pūtea	10
Te tukanga tuku kirimana	11
Ngā utunga	11
Te tuku pūrongo me te aroturuki	11
Whakapā mai.....	11
Āpitianga A: Ngā mahere tuku piro.....	12

He Tono Marohitanga mō te huringa haumi o Te Rangapū Rangahau 2026 - Te Tahua Raukaha o He Ara Whakahihiko

E tono ana mātou i ngā marohitanga ki te kaupapa tuku pūtea o Te Tahua Raukaha o He Ara Whakahihiko, arā a Rangapū Rangahau. Ko tā Rangapū Rangahau he haumi ki ngā hōtaka mahi, ka whakapakari i te mātau me ngā whatunga mā te tuitui hononga hou i waenga i ngā whakahaere Māori me te pūnaha pūtaiao, auaha me te hangarau(SI&T).

Ko roto i tēnei Tono Marohitanga ngā mōhiohio ōrite ki ērā kua tāia ki ō mātou whārangi tukutuku. Ka iri ai ki ō mātou whārangi tukutuku ngā mōhiohio hou rawa. Ki te panonihia, ka whakawhitia ēnei e ngā matohi kiripānga, ā, ka tāia ki ngā whārangi tukutuku. Kāore ngā whakahoutanga e wātea ā PDF.

Mō tēnei arawātea

Ka tautoko a Rangapū Rangahau i ngā rangapūtanga rangahau i waenga i ngā whakahaere rangahau me ngā whakahaere Māori ki te mahi rangahau hāngai ki te SI&T e aro nui ana ki te whakatairanga i te tipuranga ōhanga me ngā putanga taiao hoki/rānei.

- Ka noho ngā hōtaka mahi hei whakaohohonga, ki te whakarite i ngā hononga hou i waenga i ngā whakahaere anga Māori me ngā whakahaere rangahau, me ngā arawātea ki te mahi ngātahi ki ngā kaupapa rangahau hāngai ki te SI&T. Ko te tikanga kāore e tautokona, e whakawhānuitia rānei ngā kaupapa rangahau o te wā nei e tautokona kētia ana, i ngā ākongā wā ukiuki rānei.
- Me whakawhanake-ngātahi ngā marohitanga i waenga i te whakahaere rangahau me tētahi whakahaere anga Māori.

Mā tēnei Tono Marohitanga e whakarato i ngā mōhiohio me pēhea te tuku tono ki te Tahua, ka pēhea te aromatawai i tō tono, ka ahatia tō tono ina whiwhi koe, ā, me pēhea hoki te whakapā mai ki a mātou kia āwhinahia koe me te tukanga tono.

Te pūtea e wātea ana

Ko te nui o te pūtea e wātea ana mō Rangapū Rangahau ka eke pea ki te \$6.5 miriona (hāunga te GST). Ko te uara o ia kirimana he \$350,000 (hāunga GST) mō te 2 tau.

Me hāngai pū ngā utu o te kaupapa ki te hōtaka mahi o taua kaupapa. Ka taea te whakamahi i ngā pūtea hei utu i ngā utu whanake mahi hōtaka, te kawenga me ngā utu whakahaere (tae atu ki ngā hāereere). Kāore e utua ngā whakapaunga pūrawa. Ehara i te mea me pūtea-taupuhi.

Ko wai e āhei ana ki te tono

Me tutuki i ngā marohitanga ngā paearu māraurau katoa e koke whakamua ai, ā, ka whakakāhoretia ngā marohitanga kāore e eke ki ngā paearu.

E māraurau ai koe ki ngā pūtea, ko tā ngā marohitanga:

1. Me hinonga ā-ture takitahi o Aotearoa, otirā me tū hei whakahaere anga-Māori, whakahaere Rangahau rānei te kaitono.

Ko te whakamārama o te whakahaere anga-Māori he whakahaere e whakaatu ana i ngā taunaki nui o te whakapiki i ngā raukaha pūtaiao me te auaha i roto i te ōhanga Māori. Me hohe te tautoko a te rangapūtanga ki te whakahaere rangahau i te tipuranga o te mātau rangahau Māori, me te whakamana i te whakahaere rangahau kia whaitake te mahi me ngā hapori, ngā pūnaha mātauranga, ngā whakaarotau Māori rānei.

Ko te Whakahaere rangahau e tautuhia ana hei whakahaere e whai ana i te mātau rāroto* ki te kawē i ngā mahi pūtaiao, auaha me te hangarau.

*Ko te mātau rāroto e kōrero ana mō ngā tohu rangahau pūtaiao, ngā wheako pakari taurite rānei i te rāngai pūtaiao.

2. Me kua tētahi tari Kāwanatanga e tuku tono (e ai ki ngā tautuhinga o te Wāhanga 2 o te Public Service Act 2020).
3. Me whakauru he whakahaere Rangahau** me tētahi whakahaere anga-Māori, otirā ko tētahi me tū hei Kaitono kaiārahi, ko tētahi atu hei hoa Rangapū. Me kua e neke atu i te hoa rangapū kotahi e tū ana hei whakahaere rangahau tūmataiti (tae atu ki tētahi whare wānanga).

**Tērā pea he Whakahaere Rangahau Māori te Whakahaere Rangahau; engari me whai he Whakahaere Anga-Māori Rangapū e māraurau ai koe ki te tono.

Ko te hononga, me kua noa i waenga i te whakahaere Kaitono me te whakahaere e noho nei hei hinonga matua, turuki, turuki-tūhono rānei o te whakahaere Kaitono; i waenga rānei i ngā tari o tētahi whakahaere kotahi (hei tauira, he kura wānanga).

4. Mō ngā ngohe e hāngai pū ana ki te kaupapa tuku pūtea me ngā herenga o te kaupapa, pērā i ērā e takoto ana ki te Mahere Haumi o Te Tahua Raukaha o He Ara Whakahihiko.
5. Kua mō ngā mahi kua whiwhi kē i te pūtea kāwanatanga.
6. Kāore he ākongā kura wānanga ukiuki, he ākongā kura tuarua rānei i roto.
He whaitake-kore ngā marohitanga whai hōtaka mahi e māraurau ana ki ngā pūtea a Te Tāhuhu o te Mātauranga ki Te Tahua Raukaha o He Ara Whakahihiko.
7. Mō ngā ngohe rangahau pūtaiao ka whakahaeretia te nuinga o ngā mahi ki Aotearoa nei, māna, kua whakarite a MBIE tērā ētahi take nui e tika ana kia whai whakaarotia te marohitanga.
Ki te kore te nuinga o ngā mahi o te hōtaka mahi e kawea ki Aotearoa, tēnā whakamāramahia ki tō marohitanga ngā take i pēnei ai, ā, he aha te hira o tērā. Mēnā he pakari ngā hononga o te hōtaka mahi ki ngā ringa rehe mātauranga taketake i ētahi atu whenua, me whakaatu i te hua o tēnei ki a Aotearoa.
8. Me kua tētahi hinonga kāwanatanga o Rūhia (tae atu ki te tautoko i te ope tauā o Rūhia, ngā mahi haumarua rānei) e whai hua, tae atu ki tētahi rōpū i waho o te kāwanatanga rānei e tirohia ana tērā pea kei te whai wāhi ki te riri.
9. Me tuku ki te Pītau - te Pūnaha Whakahaere Haumi a MBIE, ā, me tutuki hoki ngā herenga o te wā, te hōputu, ngā ihirangi, me ētahi atu herenga ā-whakahaere.
10. Me whakatau i tētahi, neke atu rānei o ngā kaupapa a Vision Mātauranga: Te Taiao, Te Auaha ā-Iwi Taketake, Te Mātauranga rānei/hoki.

Kia mōhio mai e kore pea ētahi āhuatanga mātauranga Māori e tiaro ki te kaupapa Mātauranga o te Kaupapahere o Vision Mātauranga mō ngā take o tēnei tahua***.

***Ko ngā wāhere Mātai Rangahau ANZSRC (FoR) e whai ake nei, kāore i te tiaro, engari kē me whiwhi pūtea i ētahi atu tari:

- 4507 Te ahurea, reo me te hītori o te Māori (Māori culture, language and history)
- 4508 Mātauranga Māori (Māori education)
- 4511 Ngā tāngata, te porihanga me ngā hapori o te Māori (Māori peoples, society and community)

Kāore te kaupapa Hauora o Te Kaupapahere o Vision Mātauranga e tautokona ana e tēnei tahua, i te mea ka whakatauhia tēnei kaupapa mā roto i ngā pūtea e whakahaeretia ana te Kaunihera Rangahau Hauora. Ka uru pea ki ngā marohitanga rangahau ētahi kaupapa hauora, ā, ka noho māraurau tonu, engari ko te nuinga**** o ngā putanga o ēnei marohitanga ka whakatau i tētahi o ngā kaupapa māraurau e toru.

****Me whakatau e te 50% o ngā wāhere FoR māraurau tētahi, neke atu rānei o ngā kaupapa māraurau.

11. Me whakawhanake-ngātahi i waenga i te whakahaere rangahau me te(ngā) whakahaere anga-Māori. Ki te tuku tonu koe, me tukuatu he reta whanake-ngātahi. Me whakahua tēnei reta he mea waihanga-ngātahi te hōtaka mahi e ngā rōpū e rua/katoa, ā, me waitohu e te whakahaere Kaitono me te(ngā) whakahaere Rangapū. Me whakaatu te reta i te āhua o te whakatutuki a te(ngā) whakahaere anga-Māori i te tautuhinga o te 'whakahaere anga-Māori' kei raro i te paeuru māraurau 1.

Te tukunga tuku tonu, te aromatawai me te whakataunga

Ka whakatakoto ēnei hātepe i te tukunga, mai i te tuku tonu, ki te aromatawai me te whakataunga:

1. Ka tuku marohitanga whiwhi tahua ngā kaitono.
2. Ka arotake a MBIE i ngā tonu ki te whakarite mēnā e ū ana ki ngā paeuru māraurau.
3. Atu ki te 10 ngā āpiha matatau a MBIE e hāngai ana ki tēnei haumitanga, ka riro mā rātou e whakaoti i tētahi aromatawai rāroto o ia marohitanga puta noa i ngā paeuru aromatawai e whā e takoto ana ki te Aratohu Aromatawai me te Tuku Piro 2026 me te kaupapahere o Vision Mātauranga. Ka pupuritia rāroto ngā aromatawai.
4. Ko ngā marohitanga ka whai piro o te "3", piki atu rānei, puta noa i ngā paeuru aromatawai e whā (te tepenga whiwhi pūtea), ka koke ki te kaupae o muri ake. Ko ngā marohitanga ka whai piro o te "2", raro iho rānei, he hāhaka rawa i te tepenga whiwhi pūtea, ā, ka tūtohua hei whiwhinga-kore, ki te Hēkeretari Tuarua o te Mahi, te Pūtaiao me te Hinonga, otirā ko ia te kaiwhakataua.
5. Mēnā he iti ake i te 70 ngā marohitanga ka tukua mai, ka whano katoa ngā marohitanga māraurau kia aromatawaihia.
6. Mēnā he 71, neke atu rānei ngā marohitanga māraurau ka tukua mai, ka tū he pōtitanga kōwhiri, hei whakahaheke i te maha o ngā marohitanga māraurau ka whano kia aromatawaihia ki te 70.
7. Ka whakamōhiohia ngā kaitono kāore i māraurau.
8. Ka whakamōhiohia ngā kaitono i whai piro o te "2", heke iho rānei, atu ki te paeuru aromatawai, otirā kāore i ahu.
9. Mēnā e hāngai ana, ko ngā kaitono i whai piro o te "3", piki atu rānei, atu ki ngā paeuru aromatawai, engari kāore i whiria kia whano whakamua i roto i te pōtitanga, ka whakamōhiohia rātou.
10. Ka whakaae/whakahē ngā kaiaromatawai i ngā marohitanga kua kua kopoua, ā, ka puaki i ngā pānga taharua.
11. Ko ngā marohitanga katoa ka aromatawaitia e ngā mema motuhake o te Pae Aromatawai, atu ki ngā paeuru aromatawai, ā, ka utaina ki Pītau.
12. Ka hui te Pae Aromatawai ki te whiriwhiri i ngā marohitanga me te eke ki tētahi tatūnga ki ngā piro, ngā whakahoki kōrero me ngā tūtohu, hei whakauru ki te pūrongo a te Upoko o te Pae.
13. Ka tuku pūrongo te Upoko o te Pae, kei roto ngā tūtohu tuku pūtea, ki te Hēkeretari Tuarua o te Mahi, te Pūtaiao me te Hinonga, otirā ko ia te kaiwhakataua.
14. Ka whakamōhiohia ngā kaitono i angitu.

Ngā whakahoki kōrero ki te kaitono

I muri i ngā hihira māraurau, ka whakamōhiohia ngā kaitono mēnā e māraurau ana rātou, kāore rānei. Ki te kore ngā kaitono e māraurau, ka whakamōhiohia koe ki ngā take i pēnā ai.

I te otinga o te tukunga aromatawai whānui, ka whiwhi ngā kaitono katoa ka whano kia aromatawaihia, i tētahi whakamōhiohanga ā-tuhi me ngā whakahoki kōrero e pā ana ki ngā tonu. Ka poua ngā whakahoki kōrero ki ngā mōhiohio i kohia i ngā mema o te Pae Aromatawai mō ngā āhuatanga pakari, ngoikore hoki o ā rātou marohitanga.

Tukanga pōti

He aha mātou e whakamahi nei i tētahi pūnaha pōti kōwhiringa

Ina whiwhi mātou i ngā marohitanga māraurau 71, piki ake rānei, e ū ana ki te tepenga whiwhi pūtea, ka whakamahia he pūnaha pōti ki te whakaiti i te taumahatanga aromatawai, ki runga i te Pae Aromatawai a MBIE. Ko ngā marohitanga māraurau katoa e ū ana ki te tepenga whiwhi pūtea ka uru ki te pōtitanga.

Ka āwhina te tukanga pōti i a mātou ki te whakahaere i ngā utu whakahaere, otirā he tikanga kōwhiri puata, e tōkeke ai te tiaki i ngā marohitanga katoa e ū ana ki te tepenga whiwhi pūtea, ā, kāore e whakahāwea i ngā kaitono. Ehara te pūnaha pōti i te pūnaha hou, otirā ka whakamahia puta noa i te ao

Ka whano ngā marohitanga 70 ka kōwhiria e te pōtitanga, ki te Pae Aromatawai.

He aha te tikanga o te pūnaha pōti?

Ka whakamahi a MBIE i a [Microsoft Excel](#) ki te kōwhiri matapōkere i ngā marohitanga māraurau 70, ka whano ki te Pae Aromatawai. Ka whakamahi a MBIE i tētahi ripanga excel e whakamahi ana i tētahi āheinga Matapōkere (RANDARRAY). Ka kopou tēnei āheinga i tētahi tau matapōkere i waenga i te 1 me te n (ko te n te maha o ngā tono māraurau) ki ia tono.

Kātahi ka kōwhiria e te papatono nei ngā tono 70 tuatahi ka puta i te āheinga RANDARRAY, kia whano atu ki te Pae Aromatawai. Ka whakahaeretia te papatono nei ā te 20 o Ōketopa 2025 e te Kaiwhakahaere Matua o te Pūtaiao, Haumitanga me ngā Paearu Mahi.

Ngā rā matua

Ngā Mahi Matua	Ngā rā
Kauhaurangi mōhiohio (rēhita i konei)	25 o Hune 2025
Te wā tuku marohitanga	20 o Ākuhata 2025 ki te Poupoutanga o te rā, 1 o Ōketopa 2025
Ka whakaputaina ngā mema o te Pae Aromatawai	Hei te 30 o Ākuhata 2025
Ka tirohia e MBIE ngā marohitanga katoa, atu ki ngā paearu māraurau me te tepenga whiwhi pūtea.	Te hiku o Ōketopa 2025
Mēnā e hāngai ana, ka whakamahi a MBIE i te pūnaha pōti ki te whiwhi i te 71, neke atu rānei ngā marohitanga māraurau, e ū ana ki te tepenga whiwhi pūtea	20 o Ōketopa 2025
Ka tuaritia ngā marohitanga ki ngā Kaiaromatawai	Te hiku o Ōketopa 2025
Hui a te Pae Aromatawai	Te hiku o Ōketopa 2025
Ka whakamōhiohia ngā kaitono māraurau-kore, i mūhore hoki	Te pane o Tīhema 2025
Te aromatawaitanga o ngā marohitanga e te Pae Aromatawai	Nōema - Tīhema 2025
Hui a te Pae Aromatawai	18 - 19 o Pēpuere 2026
Ka pāhotia ngā whakatau tuku pūtea haumi	Māehe 2026
Whakahoki kōrero ki ngā Kaitono	Māehe 2026
Wā kirimana	Āperira - Mei 2026
Ka tīmata ngā kirimana	1 o Hune 2026

Tērā pea ka whakarerekētia ngā rā. Ka whakamōhiohia koe mā te īmēra ki te whakarerekētia. E tāpiritia ai koe ki tēnei rārangi whakamōhio ā-īmēra, [tēnā ohauru ki te whiwhi kōrero hou](#).

Kauhaurangi mōhiohio

Ka tū he kauhaurangi me tētahi hui pātaimai mā ngā kaitono, ā te Wenerei, 25 o Hune 2025. Ka whakarato mātou i ngā mea katoa me mōhio koe e pā ana ki te Huringa Haumi 2026, mō ngā tikanga tuku pūtea o Te Rangapū Rangahau me Te Ara Whaihua.

Ko te haora tuatahi he whakaaturanga kauhaurangi, me te haora o ngā pātaimai. [Rēhita ki konei\(external link\)](#) — Zoom

Ngā tuhinga me ngā ihirangi matua

I te wā e whakawhanake ana koe i tō tono, e whakahau ana mātou i a koe ki te tiro tiro i ēnei tuhinga tohutoro matua:

Tirohia [Te Mahere Haumi a Te Tahua Raukaha o He Ara Whakahihiko](#) mō ngā whāinga me ngā putanga o te tahua haumi

Te whārangi ipurangi o [Te Tahua Raukaha o He Ara Whakahihiko](#)

Te [Vision Mātauranga policy](#)

Tirohia ngā whārangi tukutuku o [He Tono Marohitanga o Te Rangapū Rangahau](#) mo:

- Rangapū Rangahau Proposal Template 2026: He Ara Whakahihiko Capability Fund
- Assessment and Scoring Guidance Rangapū Rangahau 2026: He Ara Whakahihiko Capability Fund
- Rangapū Rangahau Combined Progress and Final Reporting Template 2026: He Ara Whakahihiko Capability Fund
- Rangapū Rangahau Contract Template 2026: He Ara Whakahihiko Capability Fund

Tukanga tono

Me whakakī ngā kaitono i ā rātou marohitanga Rangapū Rangahau ki [Pītau](#), tā mātou Pūnaha Whakahaere Haumitanga, he tomokanga tuihono haumarū. Hei āwhina i a koe ki te whakarite i tō marohitanga kua whakaratoa e mātou tētahi tātauirā marohitanga.

1. Ka tāurua, ka tukua hoki ngā marohitanga ki Pītau E uru ai koe ki Pītau me whai pūkete [RealMe](#) i te tuatahi.
2. Mēnā kāore ō takiuru, whakapā atu ki tō Tari Rangahau ki te tiki i tētahi, mēnā kāore ō Tari Rangahau, ka taea te tono āheinga. I mua i te whakawhanake i tō marohitanga, ka whakahautia koe ki te whai whakaaro ki ngā paearu māraurau, ngā paearu aromatawai, me ngā ture me ngā here e pā ana ki tēnei Tono Marohitanga.
3. Kei te tātauirā marohitanga ngā tohutohu mō te āhua o te whakarite i tō marohitanga me ngā mōhiohio e hiahiatia ana. E tūtohu ana mātou kia whakamahi koe i te tātauirā marohitanga i whakaratoa hei tuhi i ngā mōhiohio e hiahiatia ana mā te taupānga tukatuka kupu e hiahiatia ana, ā, ka rite ana ki te tuku, tāruatia ka whakapiri i ngā wāhanga e tika ana ki ngā āpure Pītau tika me te tukuatu i ō tuhinga tautoko ina tohua.
4. Ka taea e ngā kaimahi a MBIE te āwhina i a koe ki te whakauru ki Pītau me te tuku ārahitanga me pēhea te tāuru kiko.
5. Ka whakamahia ngā mōhiohio kei tō marohitanga mō te aromatawai, otirā ka noho hei pūtake o te kirimana mō ngā kaupapa ka waimaria.
6. E pōhiritia ana ngā marohitanga reo Māori. Tērā pea ka whakahaeretia ki te reo Ingarihi te aromatawaitanga o ngā marohitanga. Ka kōwhiri pea ngā kaitono ki te tāpiri whakapākehātanga o tā rātou marohitanga, ka waiho rānei ki ngā kaiwhakawhiti reo ka tīkina e MBIE, otirā kāore he utu ki te Kaitono. Kāore he whakaaweawetanga o te kōwhiringa reo ki ngā putanga aromatawai. Me tuku ngā whakapākehātanga ki Pītau, ā, me ū ngā whakawhitinga reo ki te wairua o te putanga reo Māori.

Tautoko Āpiti

E wātea ana a Moko Kauri Consultants ki te tautoko i ngā kaitono katoa i te wā o te tukanga tuku tono. Mō ētahi atu whakamārama, ki te whakapā rānei ki a Moko Kauri Consultants info@mokokauri.co.nz

Ngā paearu aromatawai

Ka aromatawai ngā mema o te Pae Aromatawai i ngā marohitanga, atu ki ia paearu i raro, ā, ka tuku piro mai i te 1 (kounga iti) ki te 7 (kounga nui). He 25% te taumaha o ia paearu. Tirohia te Āpitianga A kei te whārangi 12 mō ngā mahere tuku piro.

Kairangi

Ka whai te Tahua i te kairangitanga mā te whakawhanake, te pupuri me te whakapoapoa i ngā tāngata me ngā rōpū whai pūkenga mā te whai i ngā rangahau pūtaiao kounga nui me ngā otinga auaha e hāngai ana ki te pūtaiao, te auaha me te hangarau.

Whanaketanga Tangata, ngā Hononga me ngā Pūkenga (25%)

Pātai Matua: He aha te whānui o te tūpono ara mai o te pūtaiao kairangi i ngā āheinga me ngā whatunga tauroa ake, ka tautoko i ngā putanga ōhanga, putanga taiao hoki/rānei?

I te wā e aromatawaitia ana tēnei pātai, ka whai whakaaro ngā kaiaromatawai:

- Ka whakatipu te kaupapa i ngā whatunga āheinga rangahau me ngā hononga e puta ai te pūtaiao kairangi?
- Menā ka kawea e tō marohitanga ngā mahi ki tua o ngā 'mahi o ia rā' mō ngā rōpū e whai wāhi ana? Hei tauira, he whakarite i tētahi kaupapa rangahau tauroa mahitahi.
- He aha te whānui o te whakawhanake nui a te kaupapa i te mātau me te pūkenga o te hunga e whai wāhi ana?

Te Raukaha o ngā Kawenga Mahi (25%)

Pātai Matua: He aha te nui o te tūpono whakatutukitanga o ngā putanga e marohitia ana e tō kaupapa?

I te wā e aromatawaitia ana tēnei pātai, ka whai whakaaro ngā kaiaromatawai:

- He aha te pānga o te kounga, te tautōhito me ngā pūkenga o te rōpū ki ngā kaupapa o te hōtaka mahi kua marohitia?
- E whai ana te rōpū i te mana whakaae tika ki te whakahaere i tēnei mahi?
- Kei te whai ngā hunga whai wāhi me te hōtaka mahi i ngā rauemi me te tautoko tika hoki, tae atu ki ngā whakahaere me ngā whare tika?
- Kua tautohua, kua whakamaururia hoki ngā wero ki te kaupapa?

Te Pānga

E rapu pāpānga ana te Tahua mā roto i ngā hōtaka mahi e tūhura ana i ngā huarahi e whai hua ai ngā whānau, ngā hāpori, te ōhanga Māori me Aotearoa hoki i te rangahau pūtaiao, tana whanaketanga me te whakatinanatanga o te arumoni.

Ngā Putanga Pūtaiao, Auaha me te Hangarau (25%)

Pātai Matua: Ka kawea e te hōtaka ngā rangahau pūtaiao me te hangarau hāngai ki te SI&T e puta ai ngā putanga ōhanga me te taiao hoki/rānei, ā, he aha hoki ngā tūpono pāpānga o te rangahau?

I te wā e aromatawaitia ana tēnei pātai, ka whai whakaaro ngā kaiaromatawai:

- He pitomata anō o te rangahau hāngai SI&T e hua mai ai ngā putanga me ngā pāpānga ōhanga me te taiao ōkiko rānei/hoki?
- Ka hikina e te kaupapa te mātau me te raukaha o pūtaiao Māori, e whai hua ai te(ngā) whakahaere anga Māori?
- E hāngai ana ngā hua e matapaetia ana ki ngā wawata o te(ngā) whakahaere anga Māori?
- Ka tuaritia anō ngā putanga pūtaiao ki te Māori whānui me ngā kiripānga hoki/rānei?

Ngā Hua Pūtaiao, Auaha me te Hangarau me Vision Mātauranga (25%)

Pātai Matua: Ka whai hua te rāngai pūtaiao, auaha me te hāngau (SI&T) i te pikinga o te mātau me te raukaha pūtaiao, ā, he aha te whānui o te tautoko a te kaupapa i te kaupapahere a Vision Mātauranga?

I te wā e aromatawaitia ana tēnei pātai, ka whai whakaaro ngā kaiaromatawai:

- Ka whakawhanake anō te kaupapa i te pūtaiao me ngā hononga kairangi, e whakamana ai i ngā whakahaere Māori ki te kawea i ngā hua ki te motu?
- Ka hikina e te kaupapa te mātau me te raukaha o te pūtaiao Māori, e whai hua ai te rāngai SI&T ?
- Ka tautohu, ka tautoko anō te kaupapa i ngā arawātea anamata e whai wāhi ai te Māori ki te rāngai SI&T?
- Ka pēhea te whakatau a te kaupapa i ngā kaupapa o Vision Mātauranga i tīpakohia?

Ngā pānga taharua

Mēnā e tuku marohitanga ana koe, tirohia te rārangi o ngā mema Pae Aromatawai i raro kei kitea pea he pānga taharua. Ina kitea e koe tētahi pānga taharua ōkiko, tūpono, hāngai, tāhapa rānei, me whakamōhio mai i a mātou i mua i te rā kati o ngā tono mā te īmēra ki HAWCF@mbie.govt.nz me ngā taipitopito hei wānangatanga.

E rua ngā tūmomo taumata o ngā pānga taharua:

1. He pānga taharua hāngai, otrā ko tā te Kaiaromatawai:
 - e hāngai ana tana whai wāhi ki tētahi marohitanga (hei kaiwhakauru, kaiwhakahaere, whakaruruhau, hoa rangapū rānei, he hononga whaiaro tūtata rānei ki te kaitono, hei tauira, nō te tūranga whānau kotahi
 - he hoa mahi tahi, e whai wāhi ana rānei ki te marohitanga a te kaitono.
2. He pānga taharua tāhapa, otrā ko tā te Kaiaromatawai:
 - e whai tūranga mahi ana i tētahi wāhi mahi e whai wāhi ana ki tētahi marohitanga, engari kāore i whai wāhi ki te marohitanga ake a te kaitono
 - he hononga whaiaro, ngaio hoki/rānei ki tētahi o ngā kaitono, hei tauira, he hoa
 - e aromatawai ana i tētahi marohitanga e whakawātia ana, otirā tērā pea e tautute ana ki ā rātou mahi pakihi.

He whāiti rawa te whai whakaarotanga o te hononga whaiaro tūtata, hei tauira, te hononga hāngai (whaiāipo, tūranga whānau kotahi, tautetanga). Kāore te hononga ā-iwi, ā-hapū rānei e whakaarotia ai hei pānga taharua.

Ngā mema o te Pae Aromatawai

Ka whakaputaina he rārangi o ngā mema o te Pae Aromatawai ki ā mātou whārangi tukutuku [He Tono Marohitanga o Te Rangapū Rangahau](#) hei te 30 o Ākuhata 2025.

Ngā whakatau tuku pūtea

Kei te Hēkeretari Tuarua a MBIE mō te Mahi, Pūtaiao me te Pakihi te whakatau haumi whakamutunga, i poua ki ngā tūtohu a te pūrongo a te Upoko o te Pae, ā, tērā pea:

- ka whakatau i ngā herenga tōmua o te kirimana, hei whakatutuki i mua o te tuku kirimana ki taua kaupapa
- ka whakatau i ētahi herenga motuhake hei āpitihanga ki ngā ture me ngā herenga ahuwānui e takoto ana ki te Kirimana Tuku Pūtea a te Tahua
- ka whakarerekē i te ingoa o te kirimana (me whiriwhiri hoki te kaitono)
- ka whakarerekē i te Tauākī Tūmatanui (me whiriwhiri hoki te kaitono)
- ka whakarerekē i te roa o te kaupapa
- ka whakarerekē i te tohanga pūtea i tērā i marohitia
- ka hiahia kia whiriwhiria te mahere a te marohitanga kia tau ai ngā hiahia o MBIE, hei whakaata i te huringa ki te pūtea.
- ka whai whakaarotia ngā paearu mahi o mua me ngā kirimana pūtaiao i utua e MBIE. I te wā e tūtohua ana kia whiwhi pūtea te kaitono, engari he herenga tuku pūrongo tonu tāna, he takohanga ā-kirimana rānei kāore anō i tutuki i te wā o te tuku kirimana, ka puritia pea e mātou te kirimana tuku pūtea kia tutuki rānō ngā takohanga kirimana o mua. Kia mōhio ake, ka whakatōmuritia te rā tīmata o te kirimana hou mēnā e tāwewē tonu ana ētahi takohanga kirimana o mua.

Ka whakamōhio mātou i te Kaiwhakahaere Tuku Tono o te marohitanga ki ngā whakataunga tuku pūtea ā te Māehe 2026. Ka whakaputaina ngā ingoa o ngā kaitono angitu ki ō mātou whārangi ipurangi o Te Tahua Raukaha o He Ara Whakahihiko me te whakaputa anō mā tētahi pānuitanga pāpāho, ka pānuitia rānei e te Minita o Te Pūtaiao, Auaha me te Hangarau, me te Minita Whanaketanga Māori.

[Te Tahua Raukaha o He Ara Whakahihiko 2025](#)

Te tukanga tuku kirimana

Ka kuhu ngā kaitono angitu ki tētahi Kirimana Tuku Pūtea ki a mātou (i runga anō i te tutukitanga o ngā herenga tōmua).

Me waitohu, ka whakahoki i tēnei whakaaetanga ki a mātou i roto i te kotahi marama o te whiwhinga.

Ka pā ngā ture me ngā herenga o te Tātauirā Kirimana Rangapū Rangahau 2026: Te Tahua Raukaha o He Ara Whakahihiko ki te whakarātanga o ngā pūtea i whakaaetia i waenga i a mātou me te whakahaere whiwhi kirimana. Mā te tuku marohitanga, e whakaae ana koe ki ngā ture me ngā here o Te Tātauirā Kirimana Rangapū Rangahau 2026: Te Tahua Raukaha o He Ara Whakahihiko. E wātea ana tēnei tauira ki tā mātou whārangī tukutuku o [He Tono Marohitanga o Te Rangapū Rangahau](#) ki te wāhanga o ngā *Tuhinga Matua me ngā ihirangi*.

Ngā utunga

Mā te kaupupuri kirimana e whakahaere i ngā pūtea, kia mātua whakaritea te kawenga o ngā hōtaka mahi i kirimanatia, me te ū hoki ki ngā herenga tuku pūrongo. Ka pēnei te whakarato pūtea a MBIE, i runga anō i ētahi herenga kirimana whāiti:

- 50% i te tīmatanga o te hōtaka mahi
- 50% i te wā wawaenga (i muri i te tuku pūrongo kokenga e pai ai ki a mātou).

Te tuku pūrongo me te aroturuki

Ko tā ngā kaitono angitu me tuku he pūrongo kokenga me tētahi pūrongo whakamutunga ki Pītau, ā, ka arotakea e mātou. Ko te tikanga me ngātahi te whakarite i ēnei pūrongo, ā, me uru ngā mōhiohio mai i te kaupupuri kirimana me te(ngā) whakahaere Hoa rangapū. Ka uru ki tēnei he reta whanake-ngātahi kua waitohua e te(ngā) whakahaere Hoa rangapū ki te whakaū i te whakaritenga ngātahi o te pūrongo ki te(ngā) whakahaere, otirā me te tika hoki o ngā mōhiohio kei roto i te reta. Me taurite tēnei(ēnei) reta ki ngā whakahaere Hoa rangapū e rārangi mai ana i te kirimana.

Pūrongo kokenga

Me uru ki te pūrongo kokenga ngā mōhiohio o te tūnga me te kokenga ki te kawenga o te hōtaka mahi ki tērā i kirimanatia. Me tuku tēnei hei te kotahi marama i muri i te hauruatanga o te kawenga hōtaka mahi (30 o Hune 2027), ā, ka kapi te wāhanga mai i te 1 o Hune 2026 ki te 30 o Mei 2027.

Pūrongo whakamutunga

Me uru hoki ēnei mōhiohio ki te pūrongo whakamutunga:

- te tūnga me te kokenga ki te kawenga o ngā Hua me ngā Tūmahi i kirimanahia.
- ngā whakatutukinga matua
- ngā mōrearea e maiea ana, ā, me ngā mahi ki te whakatau i ēnei
- tauākī tūmatanui
- he aromatawai mēnā ka puta he arawātea pūtaiao, auaha me te hangarau i tēnei hōtaka mahi, mēnā hoki ka angitu te kaupapa ki te whakapiki i te mātau me te raukaha pūtaiao, me te whaihua o te hōtaka mahi whānui.

Me tuku ngā pūrongo whakamutunga hei te kotahi marama i muri i te mutunga o te kawenga hōtaka mahi (30 o Hune 2028), ā, ka kapi te wāhanga mai i te 1 o Hune 2026 ki te 30 o Mei 2028.

Whakapā mai

Ngā pātai tuku tono: HAWCF@mbie.govt.nz

Ngā pātai Pītau: imssupport@mbie.govt.nz

Waea: 0800 693 778 (Mane ki te Paraire, 8:30am ki te 4:30pm)

[Ka taea hoki te ohauru ki tā mātou pānui matihiko Matohi.](#)

Āpitianga A: Ngā mahere tuku piro

Mahere tuku piro kairangi

Whanaketanga Tangata, ngā Hononga me ngā Pūkenga (25%) Pātai Matua: He aha te whānui o te tūpono ara mai o te pūtaiao kairangi i ngā āheinga me ngā whatunga tauroa ake, ka tautoko i ngā putanga ōhanga, putanga taiao hoki/rānei?	PIRO me ngā KUPUMATUA						
<p>I te wā e aromatawaitia ana tēnei pātai, ka whai whakaaro ngā kaiaromatawai:</p> <ul style="list-style-type: none"> • Ka whakatipu te kaupapa i ngā whatunga āheinga rangahau me ngā hononga e puta ai te pūtaiao kairangi? • Menā ka kawea e tō marohitanga ngā mahi ki tua o ngā 'mahi o ia rā' mō ngā rōpū e whai wāhi ana? Hei taurira, he whakarite i tētahi kaupapa rangahau tauroa mahitahi. • He aha te whānui o te whakawhanake nui a te kaupapa i i te mātau me te pūkenga o te hunga e whai wāhi ana? 	1 (Kounga iti) <i>Kore Kāore i rawaka Kāore i hāngai Kāore he mōhiohio E ngaro ana</i>	2 <i>He pōrehurehu Kāore i mārāma Kāore pea e taea He kārangirangi He iti noa te whaitake</i>	3 <i>E herea ana Mōkito -e pai ana Warawara Kāore i nui ngā taipitopito</i>	4 <i>E whakaaetia ana E pai ana I rawaka E hāngai ana</i>	5 <i>He whai tikanga He mārāma He taurea He taumata teitei He pakari</i>	6 <i>He tūturu He mauroa He whaihua He aroā He pakari He tautōhito</i>	7 (Kounga teitei) <i>Kairangi He taurira kairangi He nui ngā taipitopito He manea</i>
<p>I te wā e aromatawaitia ana tēnei pātai, ka whai whakaaro ngā kaiaromatawai:</p> <ul style="list-style-type: none"> • He aha te pānga o te kounga, te tautōhito me ngā pūkenga o te rōpū ki ngā kaupapa o te hōtaka mahi kua marohitia? • E whai ana te rōpū i te mana whakaae tika ki te whakahaere i tēnei mahi? • Kei te whai ngā hunga whai wāhi me te hōtaka mahi i ngā rauemi me te tautoko tika hoki, tae atu ki ngā whakahaere me ngā whare tika? • Kua tautohua, kua whakamaurutia hoki ngā wero ki te kaupapa? 	<p>Kāore he mōhiohio hāngai i whakaratoa ki te marohitanga</p> <p>Hei taurira, kāore te marohitanga e whakatakoto i ngā mahere ki te whakawhanake i ngā āheinga me ngā hononga, kāore rānei whiti ki tua i 'ngā whakahaere taunoa'.</p>	<p>He rehurehu, kāore he taunakitanga rānei o te marohitanga.</p> <p>Hei taurira, he pōrehurehu, kāore rānei pea e taea e ngā mahere te whakawhanake āheinga, hononga rānei, ā, kāore pea e whiti ki tua o 'ngā whakahaere taunoa'.</p>	<p>Kei roto ētahi kōrero pai, engari he nui ngā āpure, ā, kāore he āmiki.</p> <p>Hei taurira, i takoto ēnei mahere ki te whakawhanake āheinga me ngā hononga engari e warawara ana te whaitake, ā, he paku noa te haere ki tua o 'ngā whakahaere taunoa'.</p>	<p>He pakari ngā mōhiohio kua whakaratoa, engari he wāhi anō kei reira hei whakangako haere e hiki ake ai te marohitanga.</p> <p>Hei taurira, e pai ana ngā mahere ki te whakawhanake āheinga me ngā hononga, ā, ka haere ki tua o 'ngā whakahaere taunoa'.</p>	<p>He mārāma, he tukupoto ngā mōhiohio, i puta ai he marohitanga pakari me ngā taunakitanga hāngai.</p> <p>Hei taurira, he pakari ngā mahere ki te whakawhanake āheinga me ngā hononga, ā, he mārāma te kite kei tua o 'ngā whakahaere taunoa'.</p>	<p>He nui ngā kōrero i whakaratoa, otirā e tautokona ana e ngā taunakitanga hāngai, whaitake hoki.</p> <p>Hei taurira, he tūturu te whanaketanga o ngā āheinga me ngā hononga, ā, he mātau ngā mahere, ā, ka haere ki tua rawa o 'ngā whakahaere taunoa'.</p>	<p>He taurira pai tēnei marohitanga, he kairangi, he torowhānui, he rawe ngā whakamārāma me ngā āmiki katoa.</p> <p>Hei taurira, ka whanaketia ngā āheinga me ngā hononga kairangi, ā, ka whakarato i tētahi kauneke hira, ā, he kauneke nui i tua rawa o 'ngā whakahaere taunoa'.</p>
Te Āhei ki te Kawe (25%) Pātai Matua: He aha te nui o te tūpono whakatutukitanga o ngā putanga e marohitia ana e tō kaupapa?	PIRO me ngā KUPUMATUA						
<p>I te wā e aromatawaitia ana tēnei pātai, ka whai whakaaro ngā kaiaromatawai:</p> <ul style="list-style-type: none"> • He aha te pānga o te kounga, te tautōhito me ngā pūkenga o te rōpū ki ngā kaupapa o te hōtaka mahi kua marohitia? • E whai ana te rōpū i te mana whakaae tika ki te whakahaere i tēnei mahi? • Kei te whai ngā hunga whai wāhi me te hōtaka mahi i ngā rauemi me te tautoko tika hoki, tae atu ki ngā whakahaere me ngā whare tika? • Kua tautohua, kua whakamaurutia hoki ngā wero ki te kaupapa? 	1 (Kounga iti) <i>Kore Kāore i rawaka Kāore i hāngai Kāore he mōhiohio E ngaro ana</i>	2 <i>He pōrehurehu Kāore i mārāma Kāore pea e taea He kārangirangi He iti noa te whaitake</i>	3 <i>E herea ana Mōkito -e pai ana Warawara Kāore i nui ngā taipitopito</i>	4 <i>E whakaaetia ana E pai ana I rawaka E hāngai ana</i>	5 <i>He whai tikanga He mārāma He taurea He taumata teitei He pakari</i>	6 <i>He tūturu He mauroa He whaihua He aroā He pakari He tautōhito</i>	7 (Kounga teitei) <i>Kairangi He taurira kairangi He nui ngā taipitopito He manea</i>
<p>I te wā e aromatawaitia ana tēnei pātai, ka whai whakaaro ngā kaiaromatawai:</p> <ul style="list-style-type: none"> • He aha te pānga o te kounga, te tautōhito me ngā pūkenga o te rōpū ki ngā kaupapa o te hōtaka mahi kua marohitia? • E whai ana te rōpū i te mana whakaae tika ki te whakahaere i tēnei mahi? • Kei te whai ngā hunga whai wāhi me te hōtaka mahi i ngā rauemi me te tautoko tika hoki, tae atu ki ngā whakahaere me ngā whare tika? • Kua tautohua, kua whakamaurutia hoki ngā wero ki te kaupapa? 	<p>Kāore he mōhiohio hāngai i whakaratoa.</p> <p>Hei taurira, kāore he mōhiohio mō te hōtaka mahi. Kāore i tautohua, i whakamaurutia rānei ngā wero nui o te kaupapa. He rawaka-kore ngā mōhiohio o te tira, ā, he takarepa hoki/rānei te mātau ā-pūtaiao o te tira.</p>	<p>He rehurehu, kāore he taunakitanga rānei o ngā mōhiohio.</p> <p>Hei taurira, kei te ngaro ētahi taipitopito o te hōtaka mahi, he rehurehu rānei. Tērā ētahi wero ki te kaupapa kāore i tautohua, i whakamaurutia rānei. He pōrehurehu ngā mōhiohio o te tira, ā, he kounga iti hoki/rānei te mātau ā-pūtaiao o te tira.</p>	<p>Kei roto ētahi kōrero pai, engari he nui ngā āpure, ā, kāore he āmiki.</p> <p>Hei taurira, e kitea ana ētahi taipitopito o te hōtaka mahi. He āhua pāhekeheke ētahi o ngā wero me ngā whakamaurutanga. He moroiti ngā mōhiohio o te tira, ā, he whāiti hoki/rānei te mātau ā-pūtaiao o te tira.</p>	<p>He pakari ngā mōhiohio kua whakaratoa, engari he wāhi anō kei reira hei whakangako haere.</p> <p>Hei taurira, he rawaka ngā taipitopito hōtaka mahi engari me whakarato anō ētahi atu whakamārāma. E pai ana te tautohu i ngā wero me te whakamaurutanga. He rawaka ngā mōhiohio hoki/rānei te mātau ā-pūtaiao o te tira.</p>	<p>He mārāma, he tukupoto ngā mōhiohio, me ngā taunakitanga hāngai.</p> <p>Hei taurira, he pai te whanaketanga o te hōtaka mahi. He mārāma te tautohu i ngā wero nui me ngā whakamaurutanga. He nui ngā mōhiohio o te tira, ā, e kitea ana hoki/rānei te mātau ā-pūtaiao o te tira.</p>	<p>He nui ngā kōrero i whakaratoa, otirā e tautokona ana e ngā taunakitanga hāngai, whaitake hoki.</p> <p>Hei taurira, he torowhānui te mahere o te kaupapa otirā he rawe te whakamauru i ngā wero. He tino rawe ngā mōhiohio o te tira, ā, he pakari hoki/rānei te mātau ā-pūtaiao o te tira.</p>	<p>He taurira kairangi otirā he nui ngā taipitopito.</p> <p>Hei taurira, he mīharo te hōtaka mahi, kāore e kore ka tutuki ngā putanga e takunetia ana. He kairangi te tautohu i ngā wero me te whakamaurutanga. He kairangi ngā mōhiohio o te tira, ā, he taurira kairangi hoki/rānei te mātau ā-pūtaiao o te tira.</p>

Mahere tuku piro te pānga

Ngā Putanga Pūtaiao, Auaha me te Hangarau (25%) Pātai Matua: Ka kawea e te hōtaka ngā rangahau pūtaiao, auaha me te hangarau (SI&T) hāngai e puta ai ngā putanga ohanga me te taiao hoki/rānei, ā, he aha hoki ngā tūpono pāpānga o te rangahau?	PIRO me ngā KUPUMATUA						
Ngā Hua Pūtaiao, Auaha me te Hangarau me Vision Mātauranga (25%) Pātai Matua: Ka whai hua te rāngai pūtaiao, auaha me te hāngau (SI&T) i te pikinga o te mātau me te raukaha pūtaiao, ā, he aha te whānui o te tautoko a te kaupapa i te kaupapahere a Vision Mātauranga?	PIRO me ngā KUPUMATUA						
I te wā e aromatawaitia ana tēnei pātai, ka whai whakaaro ngā kaiaromatawai: <ul style="list-style-type: none"> • He pitomata anō o te rangahau hāngai SI&T e hua mai ai ngā putanga me ngā pāpānga ohanga me te taiao okiko rānei/hoki? • Ka hikina e te kaupapa te mātau me te raukaha o pūtaiao Māori, e whai hua ai te(ngā) whakahaere anga Māori? • E hāngai ana ngā hua e matapaetia ana ki ngā wawata o te(ngā) whakahaere anga Māori? • Ka tuarititia anō ngā putanga pūtaiao ki te Māori whānui me ngā kiripānga hoki/rānei? 	1 (Kounga iti) <i>Kōre Kāore i rawaka Kāore i hāngai Kāore he mōhiohio E ngaro ana</i>	2 <i>He pōrehurehu Kāore i mārāma Kāore pea e taea ana He kārangirangi He iti noa te whaitake</i>	3 <i>E herea ana Mōkito - e pai ana Warawara Kāore i nui ngā taipitopito</i>	4 <i>E whakaaetia ana E pai ana I rawaka E hāngai ana</i>	5 <i>He whai tikanga He mārāma He taurea He taumata teitei He pakari</i>	6 <i>He tūturu He mauroa He whaihua He aroā He pakari He tautōhito</i>	7 (High quality) <i>Kairangi He tauria kairangi He nui ngā taipitopito He manea</i>
I te wā e aromatawaitia ana tēnei pātai, ka whai whakaaro ngā kaiaromatawai: <ul style="list-style-type: none"> • Ka whakawhanake anō te kaupapa i te pūtaiao me ngā hononga kairangi, e whakamana ai i ngā whakahaere Māori ki te kawea i ngā hua ki te motu? • Ka hikina e te kaupapa te mātau me te raukaha o pūtaiao Māori, e whai hua ai te rāngai SI&T? • Ka tautohu, ka tautoko anō te kaupapa i ngā arawātea anamata e whai wāhi ai te Māori ki te rāngai SI&T? • Ka pēhea te whakatau a te kaupapa i ngā kaupapa o Vision Mātauranga i tipakohia? 	Kāore he mōhiohio hāngai i whakaratoa ki te marohitanga Hei tauira, he rawaka-kore ngā mōhiohio ki te aromatawai i te whaihua, kāore rānei e puta i te kaupapa te pikinga o te mātau/raukaha pūtaiao me ngā putanga o Vision Mātauranga. E ngaro ana te pūtaiao.	He rehurehu, kāore he taunakitanga rānei o ngā mōhiohio o te marohitanga. Hei tauira, e kore pea e taea e te hōtaka mahi te kawea i ngā pikinga mātau/raukaha pūtaiao me ngā putanga o Vision Mātauranga, he kōunga iti rānei te pūtaiao i whakamāramatia.	Kei roto ētahi kōrero pai, engari he nui ngā āpure, ā, kāore he āmiki. Hei tauira, he whāiti te pikinga mātau/raukaha pūtaiao mai i te hōtaka mahi, me ngā putanga o Vision Mātauranga, ā, he kōunga iti /hoki/rānei te pūtaiao i whakamāramatia.	He pakari ngā mōhiohio kua whakaratoa, engari he wāhi anō kei reira hei whakangako haere e hiki ake ai te marohitanga. Hei tauira, ka kawea e te hōtaka mahi he pikinga pai o te mātau/raukaha pūtaiao me ngā putanga o Vision Mātauranga, ā, he he kaounga pai te pūtaiao i whakamāramatia hoki/rānei.	He mārāma, he tukupoto ngā mōhiohio, i puta ai he marohitanga pakari me ngā taunakitanga hāngai. Hei tauira, ka kawea e te hōtaka mahi te pikinga mārāma o te mātau/raukaha pūtaiao me ngā putanga o Vision Mātauranga, ā, he kōunga nui te pūtaiao i whakamāramatia.	He torowhānui ngā mōhiohio i whakaratoa. Ka puta pea he pāpānga tauroa i te marohitanga, ā, e tautokona ana e ngā taunakitanga hāngai, whaitake hoki. Hei tauira, tūturu ka kawea e te hōtaka mahi ngā pikinga mātau/raukaha pūtaiao me ngā putanga o Vision Mātauranga, he kōunga tino nui hoki/rānei te pūtaiao i whakamāramatia.	He kairangi ngā mōhiohio i whakaratoa, otirā he marohitanga tauria kairangi tēnei. He nui te manawanui/ tūturutanga ka angitu tēnei marohitanga ki te kawea i āna putanga. Hei tauira, ka kawea e te hōtaka mahi te pikinga nui mārāka o te mātau/raukaha pūtaiao me ngā putanga kairangi o Vision Mātauranga otirā he tāpua, ka noho hei kauneke hira, ā, he kōunga kairangi te pūtaiao i whakamāramatia hoki/rānei.
I te wā e aromatawaitia ana tēnei pātai, ka whai whakaaro ngā kaiaromatawai: <ul style="list-style-type: none"> • He pitomata anō o te rangahau hāngai SI&T e hua mai ai ngā putanga me ngā pāpānga ohanga me te taiao okiko rānei/hoki? • Ka hikina e te kaupapa te mātau me te raukaha o pūtaiao Māori, e whai hua ai te(ngā) whakahaere anga Māori? • E hāngai ana ngā hua e matapaetia ana ki ngā wawata o te(ngā) whakahaere anga Māori? • Ka tuarititia anō ngā putanga pūtaiao ki te Māori whānui me ngā kiripānga hoki/rānei? 	Kāore he mōhiohio hāngai i whakaratoa. Hei tauira, he iti rawa ngā mōhiohio i whakaratoa, kāore rānei e tutuki ngā putanga pūtaiao me ngā pāpānga i matapaetia. Kāore he taunakitanga o te mātau me te raukaha ki te hiki i te tangata me te whakahaere.	He rehurehu, kāore he taunakitanga rānei o ngā mōhiohio. Hei tauira, kāore i mārāma, ā, e kore pea e taea ngā putanga pūtaiao me ngā pāpānga e matapaetia ana, ā, he iti ngā taunakitanga o te hiki i te mātau me te tangata, o te whakahaere rānei.	Kei roto ētahi kōrero pai, engari he nui ngā āpure, ā, kāore he āmiki. Hei tauira, he warawara, he whāiti rānei ngā putanga pūtaiao me ngā pāpānga e matapaetia ana, ā, he iti noa ngā taunakitanga hoki/rānei o te hiki i te mātau me te tangata, o te whakahaere rānei.	He pakari ngā mōhiohio kua whakaratoa, engari he wāhi anō kei reira hei whakangako haere e hiki ake ai te marohitanga. Hei tauira, e whakaaetia ana ngā putanga pūtaiao me ngā pāpānga e matapaetia ana, ā, e pai ana ngā taunakitanga o te hiki i te mātau me te tangata, o te whakahaere rānei.	He mārāma, he tukupoto ngā mōhiohio, i puta ai he marohitanga pakari me ngā taunakitanga hāngai. Hei tauira, he rawe, ngā putanga pūtaiao me ngā pāpānga e matapaetia ana, ā, he mārāma ngā taunakitanga hoki/rānei o te hiki i te mātau me te tangata, o te whakahaere rānei.	He torowhānui ngā mōhiohio i whakaratoa. Ka puta pea he pāpānga tauroa i te marohitanga, ā, e tautokona ana e ngā taunakitanga hāngai, whaitake hoki. Hei tauira, e tino rawe, ngā putanga pūtaiao me ngā pāpānga e matapaetia ana, ā, e pakari ana ngā taunakitanga o te hiki i te mātau me te tangata, o te whakahaere rānei.	He kairangi ngā mōhiohio i whakaratoa, otirā he marohitanga tauria kairangi tēnei. He nui te manawanui/ tūturutanga ka angitu tēnei marohitanga ki te kawea i āna putanga. Hei tauira, he tāpua ngā putanga pūtaiao me ngā pāpānga e matapaetia ana, ā, ka hua mai he kauneke hira, otirā e kitea ana he taunakitanga tauria kairangi o te hiki i te mātau me te tangata, o te whakahaere rānei.
I te wā e aromatawaitia ana tēnei pātai, ka whai whakaaro ngā kaiaromatawai: <ul style="list-style-type: none"> • Ka whakawhanake anō te kaupapa i te pūtaiao me ngā hononga kairangi, e whakamana ai i ngā whakahaere Māori ki te kawea i ngā hua ki te motu? • Ka hikina e te kaupapa te mātau me te raukaha o pūtaiao Māori, e whai hua ai te rāngai SI&T? • Ka tautohu, ka tautoko anō te kaupapa i ngā arawātea anamata e whai wāhi ai te Māori ki te rāngai SI&T? • Ka pēhea te whakatau a te kaupapa i ngā kaupapa o Vision Mātauranga i tipakohia? 	Kāore he mōhiohio hāngai i whakaratoa ki te marohitanga Hei tauira, he rawaka-kore ngā mōhiohio ki te aromatawai i te whaihua, kāore rānei e puta i te kaupapa te pikinga o te mātau/raukaha pūtaiao me ngā putanga o Vision Mātauranga. E ngaro ana te pūtaiao.	He rehurehu, kāore he taunakitanga rānei o ngā mōhiohio o te marohitanga. Hei tauira, e kore pea e taea e te hōtaka mahi te kawea i ngā pikinga mātau/raukaha pūtaiao me ngā putanga o Vision Mātauranga, he kōunga iti rānei te pūtaiao i whakamāramatia.	Kei roto ētahi kōrero pai, engari he nui ngā āpure, ā, kāore he āmiki. Hei tauira, he whāiti te pikinga mātau/raukaha pūtaiao mai i te hōtaka mahi, me ngā putanga o Vision Mātauranga, ā, he kōunga iti /hoki/rānei te pūtaiao i whakamāramatia.	He pakari ngā mōhiohio kua whakaratoa, engari he wāhi anō kei reira hei whakangako haere e hiki ake ai te marohitanga. Hei tauira, ka kawea e te hōtaka mahi he pikinga pai o te mātau/raukaha pūtaiao me ngā putanga o Vision Mātauranga, ā, he he kaounga pai te pūtaiao i whakamāramatia hoki/rānei.	He mārāma, he tukupoto ngā mōhiohio, i puta ai he marohitanga pakari me ngā taunakitanga hāngai. Hei tauira, ka kawea e te hōtaka mahi te pikinga mārāma o te mātau/raukaha pūtaiao me ngā putanga o Vision Mātauranga, ā, he kōunga nui te pūtaiao i whakamāramatia.	He torowhānui ngā mōhiohio i whakaratoa. Ka puta pea he pāpānga tauroa i te marohitanga, ā, e tautokona ana e ngā taunakitanga hāngai, whaitake hoki. Hei tauira, tūturu ka kawea e te hōtaka mahi ngā pikinga mātau/raukaha pūtaiao me ngā putanga o Vision Mātauranga, he kōunga tino nui hoki/rānei te pūtaiao i whakamāramatia.	He kairangi ngā mōhiohio i whakaratoa, otirā he marohitanga tauria kairangi tēnei. He nui te manawanui/ tūturutanga ka angitu tēnei marohitanga ki te kawea i āna putanga. Hei tauira, ka kawea e te hōtaka mahi te pikinga nui mārāka o te mātau/raukaha pūtaiao me ngā putanga kairangi o Vision Mātauranga otirā he tāpua, ka noho hei kauneke hira, ā, he kōunga kairangi te pūtaiao i whakamāramatia hoki/rānei.